

orientem spectat. Ceterum cepisse iam rumoribus per Italiam ubiq; spargi: gallicos principes id egerrime ferre. Non tam q; ex ea re magna sperent emolumenta q̄ aspirent ad superi maris imperium: siquidem adiunctis qđ maxime cupiūt dalmatię urbibus: quis reliquam eius maris oram ab eorū classibus defendat? Quantum autem momenti ad italię imperium adriaticum mare semper attulerit: neminem nescire. Iustiniani quidem tēporibus quum Totila gotthorum rex terra mariq; potēs: totam fere italiam Romanis exercitibus: aut classibus exclusisset: Dalmatię uenetorumq; classes primum Narseti italię ingressum aperuere. Nam & ab iis gotthorum classis est profligata. Et Anchona urbs recepta. Et Narsetis copię opa nauium uenetarum superatis paucis diebus septem præaltis fluminibus Rauennā traiectę sunt. Qui si infero qđ obtinet superum quoq; iungatur mare: Cedat Maiestas tua uniuerso mari necesse est. Non sunt autem hę uenetis uires: ut hinc a Rauennatibus: inde a dalmatis tutari se ualeant. Itaq; uel inuitos ad eandem ad quam ceteri fortunam inclinatueros. Qđ si acciderit ignosce imperatori: speras ne te retenturum ullam in italia urbem portum ue? Oppugnati terra: mariq; deficient omnes. Atq; ea Italię ora quę semper imperium secuta est: & magna quondam gręcia appellata Gallico seruiet imperatori. Sicilię deinde iminebit: & corcyre & in pelopōnesum omnemq; gręciam ducet: eum uolet. Hęc cum magna sunt: tum uero illa maiora: qđ cū maximam Europę partem francus obtineat: etiam atq; etiam considerādū erit: quali in periculo futura sit ipsa constantinopolis. Nedum Epirus. Misia: Macedoniaq; in discrimen non ueniant: Finem nullum habet regni cupiditas. Qui per mulieris fraudem dimidium pene imperii subtraxit: nisi totam italiam Romamq; subditionem miserit: non quiescet. Qđ ad uenetos attinet parati sunt ad ultimum excidium perferēdum: dum tu gloriam imperiumq; tuum: & dalmatiam quę nobis iminet: haud neglexeris. Per idem quoq; tempus legati a dalmatis eadem hec ad Nicephorum querentes uenere. Quibus cōmotus rebus Nicephorus bonoq; ut animo essent iussis classem in Adriaticum se se primo quoq; tempore missurum respondit: Illisq; rebus diligenter prouisurum. Quoniam autem bellum hoc proculdubio propter dalmatas uenetorum accolas conflatum est. Haud erit ab re: pauca quędam breuiter de ea prouincia scribere: scitu non indigna. Eius fines uti ceterarum quoq; prouinciarum pro temporum uarietate imutatos uidemus. Nunc siquidem eam appellamus dalmatiam quę a Pola histrię ciuitate: Usq; ad Catarum urbem albanis cōfinem pertingit. Antiquioribus autem temporibus liburni qui nunc pro dalmatis habentur: accolę histris fuere. Primamq; post histros eius orę partem tenuere: eorum metropolis fuit Iadera urbs: Vt non satis mirer Blondum forliuiensem: scriptum reliquisse eosdē esse & liburnos & foro iulianos: cū præter ceteros auctores

*Dalmatin*